



Inatsisartunut ilaasortaq
Jess Svane
Siumut

§ 37 naapertorlugu apeqqutip nr. 2017-084-ip allakkatigut akissuteqarfigineqarnera

Brevdato: 27-02-2017
Sags nr.: 2017 - 3477
Dok. nr. 17446955

Asasara Jens Svane

Apeqquternut Inatsisartut Suleriaasianni § 37 naapertorlugu apeqqutigisarnut qujanaq.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

Apeqqut: Kalaallit Airport-imut suliassanngortinneqarsimasut Ilulissani, Nuummi Qaqortumilu mittarfilliornissat isumagisassanngortinneqarnikuupput. Tamatuma saniatigut mittarfiliasat naatsut Ittoqqortoormiuni, Tasiilami piffinnilu allani soorlu Qasigianguani, Qeqertarsuarmi, Kangaatsiami nunattalu kujataani misissueqqaarnerit qaqugu aallartinneqassappat?

Akissut: Nuummi, Ilulissani aamma Qaqortumi mittarfiit suliassat Kalaallit Airports A/S-imit, maannakkut 2017-imi avatangiisinik misissuinissanik pilersarusiortumit, pilersarusiorneqarput suliarineqarlutillu. 2016-ip ingerlanerani misissueqqaarnerit arlallit ingerlanneqarsimapput, taakkualu sanaartornissamut pilersaarutinut maannakkut 2017-imi qaammatini pingasuni siullerni naammassissasut naatsorsuutigineqarpoq.

Tunumi (Tasiilaq aamma Ittoqqortoormiit) mittarfiit pilersarusiorneqarnerat 2016-ip ingerlanerani pimoorullugu aallartisarneqarput. Tasiilamut tunngatillugu, 2020-imiit mittarfiit sanaartornissaannut pilersarusiornerit sanaartornerillu aallartinneqannginneranni, misissueqqaarnerit piffissami 2016-imiit 2019-imut ingerlanneqassapput. Ittoqqortoormiini mittarfimmu tunngatillugu misissueqqaarnerit 2016-imi ingerlanneqarput, aammalu inissiffissaa il.il. pillugu naggataatigut aalajangiineq 2017-imi ukiup affaata siulliup ingerlanerani pissasoq, naatsorsuutigineqarpoq.

Nunap immikkoortuini mittarfinnut tunngatillugu suliaqarneq aallartinneqaaqqammerpoq, tassami maannakkut sanatitsisumut siunnersorti, pilersarusiornerup ingerlanerani Kommuninut, Nunaqarfinnut, Isorliunerusunut, Attaveqatigiinnermut Ineqarnermullu Naalakkersuisoqarfimmut ikiuuttussaq, toqqarneqarsimalerpoq. Taamaalilluni inissiffissaa, piffissaq eqqorlugu timmisartuussisarnissaq naatsorsuutigineqartoq aamma sanaartornermut aningaasartuutit pillugit misissuinerit ingerlaqqinnissaannut, 2017-imi februaarip aallartinnerani Orbicon Grønland-imut Rambøll Grønland-imik suleqateqartumut, siunnersuinissamut isumaqatigiissuteqartoqarpoq. Naalakkersuisoqarfik matuma allanneqarnerani Qasigianguani, Qeqertarsuarmi aamma Kangaatsiami kiisalu Narsami aamma Nanortalimmi nunap immikkoortuini mittarfilliornissamut suliap ingerlanissaanik aqqissuussileruttoqarpoq. Maannakkorpiaq naatsorsuutigineqarpoq sanaartornissaq sapinngisamik nunap immikkoortuini ingerlanneqassasoq.

Qasigiannuanut, Qeqertarsuarmut aamma Kangaatsiamut tunngatillugu misissueqqaarnerit aallarniutaasussat aamma assersuutigalugu avatangiisinut piumasaqaatit paasinarsisinneqarnissaat 2017-imi annertuumik pingaartinneqassasut naatsorsuutigineqarpoq. Taamatuttaaq nunap immikkoortuini mittarfiliornissamut pingaarnertigut piffissamut pilersaarut, nunap immikkoortuini mittarfiliornermi sapinngisamik najukkameersunut annertuunik periarfissaqalersitsisussa, suliarineqarpoq.

Inussiarnersumik inuulluaqqusillunga



Mute B. Egede